

Powšitkowne WOZJEWJENJA

njedźelu, 16. februara 2020

Póstne seminary w Smochćicach

„Swětłownja abo narowny pomnik Boha“ rěka hłowna tema lětušich póstnych seminarow w Smochčanskim Domje biskopa Bena. Póndźelu, 2. měrca, rěka tema „Kmane jenož za njedźelne narěče? Wjesole poselstwo a jeho hódnoty“. Referentaj budžetaj Ansgar Hoffmann z Budyšina a Tobias Petzoldt z Moritzburga. Tydžeń pozdžišo, póndźelu, 9. měrca, změjetaj Gregor Giele z Lipska a Tilmann Popp z Budyšina zawodne słowa k temje „Nowe wino w starych hadžicach? Wjesole poselstwo a jeho šansy w přichodže“. A póndźelu, 16. měrca, porěči Thomas Arnold z Drježdžan k temje „Křescenje mjenuja so wšitcy? Wjesole poselstwo a jeho zastupjerjo w towaršnosći“. Seminary, kotrež započnu so stajnje w 19.30 hodž., zarjaduje Dom biskopa Bena w kooperaciji z Ewangelsko-lutherskim cyrkwiskim wobwodom Budyšin-Kamjenc, Budyskim dekanatom a Towarstwom Cyrila a Metoda z.t.

Zetkanje samostejacych

Samostejacy ze serbskich wosadow su na swoje přichodne zetkanje wutoru, 3. měrca, w 14 hodž. do Domu biskopa Bena w Smochćicach přeprošeni. Zajimcy njech so prošu hač do wutory, 25. februara, w redakciji Katolskeho Posoła přizjewja, telefonowe číslo (0 35 91) 55 02 12. Tež dalši zajimcy su wutrobnje witani. Štóž chce wotewzaty być, njech to prošu zdžěli. Wšitcy njech sej Wosadnik sobu přinjesu.

Zhromadny dzeń za 1. a 2. lětnik

Džěcace a młodžinske dekanatne dušepastyrstwo přeprošuje džěci 1. a 2. lětnika pod hesłom „Nowy spočatk“ sobotu, 29. februara, wot 9 do 15 hodž. do Worklečanskeho Don Boskoweho domu. Zajimcy njech so prošu hač do pjatka, 21. februara, pod telefonowym číslom (03 57 96) 8 87 07 abo z mailku na worklecy-kise@gmx.de přizjewja. Za wudawki dnja zběra so wot kóždého wobdžělnika přinošk, wučinjacy štyri eura.

200 lět serbske misionske towarstwa

Składnostnje 200. róčnicy založenja přenich serbskich misionkich towarstwow přednošuje dr. Lubina Malinkowa, stawiznarka Budyskeho Serbskeho instituta, štwórtk, 27. februara, w 19.30 hodž. w Budyskim hosćencu „Wjelbik“, Žitna 7, na temu „Lubosć k misionstwu je našemu narodej přinarodžena.“ 200 lět serbske misionske towarstwa.“ Přednošk budže w serbskej rěči, zastup je darmotny. Stawizniska sekcija Maćicy Serbskeje wšitkich zajimcow wutrobnje přeprošuje. *Trudla Malinkowa, předsydka*

Předstajenja noweje hry Bratrowstwa

Džiwadłowa skupina Kulowskeho Bratrowstwa předstaji swoju nowu žortnu hru „Namrěwstwa dla zawrjene“ njedźelu, 16. februara, w 17 hodž. w Radworskim hosćencu „Meja“, sobotu, 29. februara, w 17 hodž. w Njebjelčicach, sobotu, 7. měrca, w 16 hodž. w Bukecach a njedźelu, 8. měrca, w 17 hodž. w Nowoslicach. Terminy dalšich předstajenjow na serbskich wsach so sčasom wozjewja.

Přednošk a bajka w putniskej hospodže

W Chróšćanskej putniskej hospodže porěči Markus Bjeňš, pochadźacy z Konjec, sobotu, 22. februara, w 19.45 hodź. wo swojim žiwjenju w Južnej Africe. Samsny dzeń popołdnju w 16 hodź. baje ćeta Monika bajku „Njebojazny Jan“. Wulcy kaž mali su wutrobnje přeprošeni.

Terminy lětušich putnikowanjow do Medžugorja

Gerat Róbl ze Smjerdžaceje přeprošuje tež lětsa zaso na putnikowanja do Medžugorja. Termíny jězbow – stajnje wot soboty do soboty – su: wot 28. měrca do 4. apryla, wot 5. do 12. septembra, wot 17. do 24. oktobra a wot 24. do 31. oktobra. Zajimcy měli so pola Gerata Róbla přizjewić, telefonowe čisło (03 57 96) 9 65 40.

„7 tydženjow so wzdać“

Wot popjelneje srjedy hač do jutrow su pory přeprošene, zo bychu so na póstnej akciji pod hesłom „7 tydženjow so wzdać“ wobdźělili. Link a nadrobniše informacije k tutej akciji su na našej internetowej stronje www.posol.de wozjewjene.

„Mjenje stresa – wjace wjesela“

W Smochčanskim Domje biskopa Bena ma so w pjatym tydženju lětnich prózdnin wot soboty do soboty, 15. do 22. awgusta, swójbny tydzeń pod temu „Mjenje stresa – wjace wjesela“ wotměć. Staršim z dźěćimi wot třoch lět poskićuja tam móžnosć, we wšelakich seminarach nastorki za wšědny dzeń w swójbje dóstać. Při tym póndže wo respektny kubłanski stil, wo wid na potrěbnosće dźěći a młodostnych kaž tež wo to, na kotre wašnje móhli starši na mylace wašnja zadźerženja wotpowědnje reagować. W času seminarow za staršich změja dźěći swójsku zaběru. Kubłanske dny wobsahuja tohorunja pisany wólnočasny program. Nadrobne informacije dóstanu zajimcy w Smochčicach pod telefonowym čisłom (03 59 35) 2 23 17.

Do „Božeje zahrody“ a wokoliny

Ze Šmitec wozydłownistwom přeprošuju na putniku jězbu wot štwórtka do póndže, 30. julija do 3. awgusta, do tak mjenowaneje „Božeje zahrody“. W bazilice Vierzehnheiligen wobdźělili so na putniskich kemšach. Zastanjemy tohorunja w Bayreuce a wopytamy tam mjez druhim synagogu. W Bambergu wobhladamy sej biskopsku cyrkej a město, zeznajemy mošeju a změjemy tež swobodny čas. Nimo toho steja Bad Staffelstein, Lichtenfels a klóšter Banz na programje.

T. Kubašec